

Cartulaire de l'abbaye de Gorze, Nr. 10

In nomine sancte et individue Trinitatis, Pippinus divina favente gratia rex. Quicquid enim locis sanctorum venerabilium ubique Deo degentium fratrum oh honorem Domini nostri Jesu Christi pia devotione augmentamus vel confirmamus, hoc nobis procul dubio ad mercedem vel stabilitatem regni in Dei nomine pertinere confidimus, et profuturum nobis ad presentis vite curricula felicius transigenda, necnon et beatitudinis premia securius obtinenda non dubitamus. Quapropter, precibus venerabilis Crhodegandi archiepiscopi admoniti, donamus ex rebus nostri iuris in pago Salnensi et in comitatu Scarponinsi, in villa que Domnobusila vocatur, mansos VI, et ecclesiam cum decimacione et omni integritate eiusdem ville, ad loeum sancti Petri et sancti Pauli, sanctique Gorgonii eximii martyris, ubi Gorzia fluviolus consurgit; eo scilicet rationis tenore, ut deinceps, nostris futurisque temporibus, potestatem habeant monachi in ipso loco manentes de prefatis rebus ordinandi, legitimo dumtaxat iure, de suis usibus quicquid rationabiliter voluerint vel elegerint facere, et pro mercedis nostre augmento attentius Domini implorent misericordiam. Et ut hec nostre donationis confirmatio futuris temporibus firmior habeatur, manu propria nostra subter eam firmavimus, et anuli nostri impressione signari iussimus. Actum anno quo supra. Signum gloriosissimi Pippini regis; Angelranni; S. Godefridi; S. Alberti; S. Wizelini; S. Johannis, cappellani prefati regis.